

廣載輟韻

全

RARE  
BOOK

Chip  
1.10

DS/  
9/13/15  
~~RP~~  
1856

丙辰五月十一日

傳曰慈聖誕辰載邇予小子岡陵之祝與年俱新十  
五日當於春塘臺親臨宣饌矣時原任大臣國舅時  
原任閣臣耆社諸臣並來會儒生亦當應製試取矣  
該房知悉

御製

長樂祥雲瑞旭舒上林橘萼綻紅初年年獻壽稱觴

日松栢岡陵祝有餘

諸臣賡韻

判府事金道喜右議政朴晦壽判府事李憲球金左根  
趙斗淳領敦寧洪在龍金汝根耆堂判府事徐俊輔上

護軍安光直大護軍李魯秉吏曹判書李鶴秀知事李若愚奉朝賀李  
紀淵右叅贊成原默檢校提學金炳冀原任提學金學性原任直提學



徐熹淳金輔根趙秉駿金大根南秉哲原任直閣尹定鉉鄭叔朝金始淵檢校直閣金炳柱原任待教洪淳穆金炳德檢校待教李容殷趙秉協待教金炳弼行都承旨趙徽林左承旨金炳地右承旨金世均左副承旨金輔鉉右副承旨閔致庠同副承旨沈宜復別兼春秋李正翼洪淳大徐臣輔金炳始檢閱李世宰趙寅燮注書洪承裕李玄翼事變注書朴秀龍兼春秋金持懋東寧尉金賢根南寧尉尹宜善與寅君最應興宣君昱應益平君曩慶平君晷大護軍洪者燮別雲劔戶曹叅判金泳根護軍沈敬澤兵曹叅判李宗秉叅議尹行謨叅知黃晦瑛副摠管李明迪任百秀沈承澤讀券官上護軍尹致秀大護軍洪鍾應工曹叅判李鍾愚對讀官吏曹叅議金炳雲副護軍李維謙副司果徐衡淳尹

致聖

亭午萱闡愛日舒滿顏愉色獻觴初要知文母春

臺化壽及臣民各有餘

臣金道喜

靄雲紛郁彩霞舒長樂筵開獻壽初共詫天香靄

內醞燕毛恩及介眉餘

臣朴晦壽

介壽羣情各自舒春暉長樂捧如初此筵獻頌由

宸孝萬歲東方慶有餘

臣李憲球

南極祥光捧望舒每年今日是元初準諸四海吾

王孝看取洋洋萬里餘

臣金左根

幄殿春雲捲復舒媧天五色瑞如初煦回仁壽中  
和氣弘我君王錫類餘

臣趙斗淳

藍花仙曆日行舒聖節今朝復太初從此一元三  
六運無疆天筭又贏餘

臣洪在龍

南極高臨午旭舒御香浮動奉觴初垂黃戴白諸  
耆老摠是慈恩敷錫餘

臣金汶根

春臺化日長而舒况值慈暉自厥初九耄耆臣新  
獻祝千千斯歲又千餘

臣徐俊輔

齊天慈壽日邊舒新祝長如遇慶初歌頌年年今  
五月陪歡舊物四朝餘

臣安光直

祥雲瑞日藹而舒長樂宮中獻壽初耆社諸臣叅  
末席岡陵遐祝萬千餘

臣李魯秉

慈德如天瑞日舒流虹聖節頌如初臣民爭獻無  
疆祝於萬斯年樂有餘

臣李鶴秀

靈春不老瑞暉舒聖節年年慶若初是日猥叨湛  
露席萬齡恭獻拜恩餘

臣李若愚



此日幾瞻瑞景舒年年蹈舞每如初四朝舊物覃  
恩地賤齒亦云七十餘

臣李紀淵

愛日宸衷喜氣舒滿庭蹈舞獻觴初老臣采切岡  
陵祝億萬斯年又有餘

臣成原默

曉鍾長樂彩暉舒鵲立千官鸞賀初殿角微涼金  
幔捲碧嵩秀色貯畱餘

臣金炳冀

春駐靈萱翠葉舒介眉誠洽燕毛初天迴幄殿賡  
宸藻祝聖年年飽德餘

臣金學性

是日天門喜氣舒瑞雲浮動獻觴初緬思慈福宮  
中壽皇宋歌詩慶有餘

臣徐憲淳

不老春萱綠影舒彤庭喜氣拜恩初賡歌更祝吾  
王壽長樂承懽萬歲餘

臣金輔根

亭午昌辰萬象舒燕毛優典御筵初年年鳧藻無  
疆祝咸頌吾王孝有餘

臣趙秉駿

千秋長樂瑞暉舒壽域熙熙若太初此日瑤籌添  
海屋應畱萬歲祝岡餘

臣金大根

天中令節化風舒長樂山樽祝聖初黃髮耆英團  
一席太平人瑞卽君餘

臣南秉哲

燕喜年年午日舒慈天光覆祝岡初千官飽德賡  
歌進摠是吾王錫類餘

臣尹定鉉



蕤賓五月化風舒長樂鍾聲問寢初耆耆諸臣咸

慶會萬年杯進太平餘

臣鄭寂朝

遲遲瑞旭化風舒萬顆蟠桃結子初長樂千秋今

日慶南山北斗祝猶餘

臣金始淵

寶婺增輝化景舒年年歡忭倍於初登筵耆耆盈

庭士摠是慈天覆育餘

臣金炳漣

春塘瑞旭翠蓮舒洋溢恩波大樂初酌斗耆筵齊

獻祝慈雲長覆萬年餘

臣洪淳穆

萱春不老午暉舒今日生民頌厥初耆耆俊髦咸

囿化於千斯萬慶畱餘

臣金炳德

覆闕祥雲卷復舒暉暉極宿影回初年年此日岡  
陵祝準海宸誠樂有餘

臣李容殷

需雲繚繞慶雲舒億兆黎民戴厥初正夏月中亭  
大午萬千斯歲筭歸餘

臣趙秉協

長樂昌辰化日舒羣龍拜舞引朝初都將海屋籌  
千萬共祝慈齡壽有餘

臣金炳弼

慶辰長樂五雲舒南極明星見夜初獻壽一杯添  
一歲東溟萬斛酌無餘

臣趙徽林

聖孝承歡氣像舒年年康健願如初侍臣盡得仙  
桃醉恩溢瑤觴獻壽餘

臣金炳地

慶節坤成化晷舒年年宸孝藹如初登筵耆耆皆  
人瑞普被慈恩錫福餘

臣金世均

午景宮林氣象舒簪紳蹈舞御筵初恭將遐祝賡  
宸藻仙露均霑玉學餘

臣金輔鉉

亭午慈天彩霽舒極星增耀祝岡初青衿黃髮同  
歡舞爭頌吾王斂錫餘

臣閔致庠

長樂宮高化日舒壽星增耀獻觥初南斗無  
疆祝千歲三呼頌抃餘

臣沈宜復

薰風苑樹夏暉舒又是瑤桃拜獻初甲子三千猶  
不足願添海屋壽籌餘

臣李正翼



仙桃翠結柳陰舒慶節萱闡介壽初皓髮青衿咸  
囿化推來長樂供歡餘

臣洪淳大

春酒春臺喜氣舒舞斑慈慶曙光初夏五月中旬  
五日讌耆試士祝岡餘

臣徐臣輔

咫尺天顏喜氣舒奉觴長樂祝岡初衿紳泳澤同  
今日總自重宸飾慶餘

臣金炳始

蓬萊高處彩雲舒海屋花籌獻祝初耆舊霑恩開  
壽域歡聲東土數千餘

臣李世宰

慶節蕤賓滿望舒年年宸孝一如初都將耆社諸  
臣齒獻壽萱闡萬歲餘

臣趙寅燮

婺星垂彩慶雲舒  
衿笏盈庭抃舞初  
歲歲春臺亭午祝  
於千於萬又羸餘

臣 洪承裕

宮樹遲遲午晷舒  
萬年長樂奉觴初  
碧桃齊結崑崙核  
添得遐籌日有餘

臣 李玄翼

上苑深深淑氣舒  
慈天瑞日照如初  
千官共祝龍顏喜  
星極流輝饗老餘

臣 朴秀龍

寶婺增輝萬彙舒  
千官蹈舞獻觴初  
恭將華祝賡宸藻  
辭不稱誠意有餘

臣 金持懋

南極星迴化日舒  
烟花八域雨梅初  
岡陵松栢年年祝  
海屋龜籌尚有餘

臣 金賢根

萬歲仙桃碧葉舒瑞雲祥靄太和初年年但願如  
今日北斗南山拜獻餘

臣尹宜善

薰風長樂日方舒濟濟千官拜賀初仰看婺宿輝  
南極達孝君王斂福餘

臣興寅君最應

五色雲中化日舒榴花萱草曙光初恭惟聖孝無  
疆祝慶節千秋樂有餘

臣興宣君是應

治日文明萬古舒唐堯時節有虞初春光壽域昇  
平象衢壤街謠樂有餘

臣益平君曩

聖壽無疆聖孝舒榴花時節月圓初年年今日微  
臣祝筭盡恆沙更有餘

臣慶平君曁



侍宴春塘紅旭舒天顏有喜引朝初千秋萬歲如  
今日長樂堂中祝壽餘

臣 洪鍾應

萱葉新抽瑞靄舒年年慶似日升初太平生老知  
誰惠共是慈天雨露餘

臣 李鍾愚

亭午萱闈化日舒壽星增耀獻觥初箕疇斂福推  
宸孝萬億千秋慶有餘

臣 金炳雲

丹萸十五午暉舒長樂晨鍾問寢初今歲老人星  
在丙耆英摠是及君餘

臣 李維謙

玉燭春臺化日舒榴花抽嫩露含初摠將耆老諸  
臣壽拜獻銅闈筭有餘

臣 徐衡淳

玉樓宴罷午陰舒一曲笙歌聖化初登筵耆老南山祝長樂年年慶有餘

臣尹致聖





